

POZIV ZA PRIJEDLOGE PROJEKATA NEFORMALNIH GRUPE MLADIH U OPĆINI TEŠANJ



Omladinska banka je program čiji je cilj povećati učešće mladih u procesima lokalnog razvoja ruralnih sredina kroz dodjelu bespovratnih novčanih sredsta projektima koje pokreću i vode neformalne grupe mladih.

Fondacija Mozaik u saradnji sa 27 Općina u BiH podržava rad Omladinskih banaka Bosanski Petrovac, Bugojno, Brod, Kakanj, Konjic, Lopare, Pelagićevo, Petrov Prozor-Rama, Živinice, Modriča, Mrkonjić Grad, Šekovići, Tešanj, Usora, Vukosavlje, Zvornik, Doboju Jug, Gornji Vakuf-Uskoplje, Kotor Varoš, Kozarska Dubica, Novi Grad, Novi Travnik, Srbac, Šipovo, Zavidovići i Žepče.

Omladinskom bankom Tešanj uz podršku Fondacije Mozaik i Općine Tešanj upravlja deset članova odbora, mladi od 15 do 30 godina koji su izabrani na javno pozivu i edukovani da vode program malih grantova i koji imaju ulogu na osnovu prioriteta i potreba mladih, da raspisuju konkurse i odlučuju o finansiranju projekata neformalnih grupa mladih u općini Tešanj.

Fond Omladinske banke za projekte neformalnih grupa mladih u općini Tešanj

Omladinska banka Tešanj je od 2008. do 2011. godine podržala 41 projekat neformalnih grupa mladih, čija je ukupna vrijednost bila 174.657,82 KM (101.229,51 KM iz Fonda Omladinske banke, a 73.428,31 KM su obezbijedile neformalne grupe mladih u zajednici).

Fond za projekte mladih u 2012. godini iznosi 14.000 KM koji zajednički obezbjeđuju Fondacija Mozaik od USAID-a i Općina Tešanj.

Omladinska banka Tešanj ima otvoren poziv za prijedloge projekata od 15.3 do 20.4.2012. godine.

Ko može podnijeti prijedlog projekta Omladinskoj banci Tešanj?

- Neformalne grupe mladih od 15 do 30 godina (minimum pet mladih osoba mora biti aktivno uključeno u pripremu i realizaciju projekta) koje žive na teritoriji općine Tešanj;
- Oni koji imaju ideje i sposobni su da poboljšaju uslove života mladih u sredini u kojoj žive;
- Mladi koji su aktivni i imaju volju, prijatelje, komšije i druge koji su spremni da zavrnu rukave i urade nešto za sebe i svoju zajednicu.

Šta Omladinska banka podržava?

- Projekte koji se realizuju na teritoriji općine Tešanj i imaju za cilj jačanje suradnje i poboljšanje života mladih na bilo koji način;
- Originalne, zanimljive i korisne projekte koje potiču druge mlade da se uključe i budu aktivni članovi sredine u kojoj žive;
- Projekte koji odgovaraju lokalnim potrebama i imaju utjecaj na lokalnu zajednicu, a posebno ruralne sredine;
- Posebno podržavamo projekte iz oblasti: -aktivnog učešća mladih u društvu, -kulture i sporta, -informisanja mladih, -prevencija bolesti ovisnosti zdravstvene i socijalne zaštite mladih, -obrazovanja i zapošljavanja mladih;
- Prihvatamo prijedloge projekata koji: -imaju jasnu ideju, cilj i plan realizacije; -imaju određeno mjesto, vrijeme i trajanje projekta; -ispunjava kriterijume (ko/šta) za podršku iz fonda Omladinske banke; -imaju jasno definisan i tačan budžet; -su predati prije isteka roka za prijavljivanje.

Šta Omladinska banka ne podržava?

- Projekte sa primarno humanitarnom svrhom i projekte pojedinaca, nevladinih organizacija, udruženja, političkih partija i javnih institucija;
- Projekte koji pozivaju na bilo koji oblik nasilja i diskriminacije i promovisu alkohol, droge ili nezdrav način života;
- Plate i honorare za članove neformalne grupe koji realizuju projekat;
- Troškove tehničke opreme neophodne za realizaciju projekta koji su veći od 30% od traženog iznosa od Omladinske banke;
- Projekti koji su tradicionalno implementirani od strane registriranih udruženja građana;
- Projekte čija je realizacija aktivnosti u toku ili su već finansirani od Fondacije Mozaik i Općine Tešanj.

Koliki je maksimalni iznos podrške Omladinske banke Tešanj po projektu?

- Omladinska banka Tešanj će podržavati projekte u iznosu od 500 KM do 2.000 KM.

Obavezni doprinos neformalne grupe mladih!

- Neformalna grupa mora obezbijediti od preduzeća, organizacija, institucija ili građana doprinos (novčani, materijal ili usluge) za projekat najmanje istom iznosu koji traži od Omladinske banke Tešanj.

Kako, kome i kada podnijeti prijedlog projekta?

Zainteresovani mladi formu Prijedloga projekta mogu preuzeti na www.omladinskabanka.ba, i www.opcina-tesanj.ba. Popunjenu Prijavu prijedloga projekta snimljenu na CD-u i odštampanu sa pratećom dokumentacijom (obavezno fotokopije ličnih dokumenata pet članova grupe potvrde/dokaze o obezbijeđenom doprinosu drugih subjekata za projekat) u zatvorenoj kovčici trebate predati najkasnije do 20.04.2012. godine u Protokol Općine Tešanj sa naznakom: Omladinska banka Tešanj.

Šta nakon prijave prijedloga projekta?

Najkasnije do 30.4.2012. godine ćete biti obavješteni da li je vaš projekat prošao prvi krug selekcije i bićete pozvani na intervju sa članovima odbora Omladinske banke. Na intervju je potrebno da dođu najmanje tri člana vašeg tima koji su navedeni kao kontakt osobe i tada će se detaljno razgovarati o projektu. Intervjui će biti održani od 30.4. do 18.5.2012. godine u prostorijama općine Tešanj. Ukoliko vaš projekat ne bude prošao prvu selekciju bićete obavješteni o razlozima ovakve odluke odbora Omladinske banke Tešanj.

Kada saznajete konačnu odluku Omladinske banke o podršci i kada počinjete sa realizacijom projekta? Omladinska banka Tešanj će u obavijestiti o konačnoj odluci o podršci vašem projektu najkasnije do 31.5.2012. godine. Predviđeno je da se svi podržani projekti realizuju u period od 15.6. do 31.10.2012. godine.